



गेड़ 27 मार्च थमां शुरु होआ'रदा ऐ। इस बारे इक दैनिक अखबार कन्नै गल्ल करदे होई विधानसभा दे स्पीकर अब्दुल रहीम राथर होरें आखेआ जे इजलास दी अवधि होर अगड़े बधाने दी फिलहाल कोई लोड़ सेई नैई होआ करदी- पर हां जेकर ऐसी कोई लोड़ मसूसी जंदी ऐ- तां एहदे पर विचार कीता जाई सकदा ऐ। सब्भनें मैहकमें गी आखेआ गेदा ऐ जे ओ सोआलें दे जवाब तौले त्यार करी लैन। जम्मू-कश्मीर विधान सभा दे बजट इजलास दा पैहला गेड़ 20 फरवरी तगर चलेया हा ते ओहदे परैन्त पवितर रमज़ान कारण इक महीने दा वक्फा लैता गया हा।

<><><><><><>

CM Iftaar

मुख्यमंत्री उमर अब्दुल्ला होरें कल शेर-ए-कश्मीर अंतराष्ट्रीय कन्वेंशन सेंटर श्रीनगर च इक इफ्तार पार्टी दा सरिस्ता कीता- जेहदे च समाज दे बक्ख-बक्ख वर्गें दे लोक किट्ठे होए ते रमज़ान दे पवितर महीने च भाईचारे- सदभाव ते इक्क-मिकता दा मज़ायरा कीता। इफ्तार च होरने दे इलावा उपमुख्यमंत्री सुरिन्दर चौधरी- मंत्री- बक्ख-बक्ख मैहकमें दे अधिकारी ते लग्ग-लग्ग समुदायें दे प्रतिनिधि बी शामिल होए। इस मौके किट्ठै गी सम्बोधित करदे होई मुख्यमंत्री होरें आखेआ कि रमज़ान दा महीना प्रतीक ऐ- सब्र- सदभाव- समर्पण भाव ते इक्क-मिकता दा। उ'नें इस मौके जम्मू-कश्मीर च रमानदारी ते खुशहाली दी प्रार्थना करदे होई मेद प्रगट कीती जे एह पवित्र महीना समाज च साम्प्रदायिक सदभाव दियें तंदें गी होर मजबूत करोग। इफ्तार च शामिल लोकें इस पैहल दी सराहना करदे होई इसी समाजी सदभाव गी मजबूती देने बक्खी इक अहम गैस करार दिता।

<><><><><><>

## Eid –Rush

ईद-उल-फितर दे आँदे ध्यार दे मद्देनजर जम्मू शैहरा दे बक्ख-बक्ख बजारें च इनें दिनें बड़ी मती रौनक दिक्खने गी लब्बा करदी ऐ ते मुस्लिम समुदाय दे लोक बक्ख-बक्ख चीजेँ दी खरीददारी करा'रदे न। इ'नें दिनें कपड़े-टल्लें, बेकरी दे समेयान, फलें, मीट ते डेयरी उत्पादेँ दी खरीददारी च मता बाद्दा दिक्खने गी लब्बा करदा ऐ। इस सरबंधै च आकाशवाणी कन्नै गल्ल करदे होई इक खरीददार नै आखेआ.

<><><><><><>

## Navratri Celebrations

कल्लै थमां शुरु होआ करदे चेतार नरातेँ लेई जम्मू च तयारियां जोरें-शोरें चला करदियां न। इ'नें दिनें बजारें च बड़ी मती रौनक ऐ ते लोक, पारंपरिक कपड़े-टल्लें, मठेआइयां ते होर दुए समेयान खरीदा करदे न। ध्यारें दे मद्देनजर बक्ख-बक्ख थाहरें पर सुरक्षा ते निग्गर बंदोबस्त कीते गेदे न। सुरक्षाबलें दी गश्त बधाई दिती गेदी ऐ ते गड्डियें दी जांच बी कीती जा'रदी ऐ। तोंआई सैलसफा मैहकमे आसेआ जिला इंतजामिया जम्मू दे सैहयोग कन्नै कल 19 मार्च थमां बाद्दू किले आली थाहर “चेतार नराता उत्सव 2026” दा आयोजन कीता जा'रदा ऐ। इस सरबंधै च आकाशवाणी समाचार कन्नै गल्ल करदे होई इक मकामी बसनीक नै आखेआ.

<><><><><><>

## Udhampur LPG Supply

घरेलू रसोई गैस की कमी बारे फैला रदिये अफवाएं दे चलदे लोके च बनी दी चिंता आहली स्थिति गी ध्यानै च रखदे होई उधमपुर दे ADC प्रेम सिंह होरे एह साफ कीता ऐ जे जिले च गैस सिलेंडर की कोई कमी नैई ऐ। स्हाड़े उधमपुर आहले जिला संवाददाता नै जानकारी दिती ऐ जे ADC होरे जमाखोरी-मनाफाखोरी ते चोर बजारी करने आहलें दी नकेल कस्सने लेई कल केंई थाहरे छापेमारी बी कीती ऐ। आकाशवाणी कन्नै इस बारे गल्ल करदे होई ADC प्रेम सिंह होरे आखेआ.

<><><><><><>

## DGP POP

पुलस महानिदेशक नलिन प्रभात होरे आखेआ ऐ जे जम्मू-कश्मीर पुलसै आतंकवाद दा मकाबला करने गितै अपनी नीति च बड़ा मता बदलाव आंदा ऐ ते हून एह बल घने जंगलें ते पहाड़ी इलाकें च मजूद आतंकवादिये दा सफाया करने लेई कारवाइयां चला करदा ऐ। कल STC सिखलाई केन्द्र तलवाड़ा च कांस्टेबलें की पासिंग आऊट परेड गी सम्बोधित करदे होई DGP होरे आखेआ कि पिच्छले दंऊ बरे दौरान जम्मू-कश्मीर पुलसै दूर-दरेड़े- जंगली ते पहाड़ी इलाकें च कारवाइयां तेज कीतियां न- जित्थे छप्पिये आतंकवादी अपने-आपे गी संगठित करदे ते आतंकी कारवाइये गी अंजाम देने लेई मंसूबे तयार करदे हे। उने आखेआ जे आतंकवादिये कन्नै लड़ाई हून जंगलें ते उप्परले इलाकें बकखी मुंतकिल होई चुकी दी ऐ ते अस्स उन्दे ठकाने गी तबाह करिये इने इलाकें च अपनी पकड़ निग्गर बना करने हां।

<><><><><><>

## GOC LOC Visit

फौज दी व्हाईट नाइट कोर दे जी.ओ.सी लैफ्टिनेंट जनरल पी.के. मिश्रा होरें कल अखनूर सैक्टर दे बन्ने कन्नै लग्गदे इलाके दा दौरा कीता ते नियंत्रण रेखा पर सुरक्षा बवस्था ते कारवाइयें सरबंधि त्यारियें दी समीक्षा कीती। उन्दे कन्नै Crossed Swords डिवीजन दे GoC बी गोदे हे-जिनें नियंत्रण रेखा पर तैनात सैनिकें कन्नै गल्लबात कीती ते रक्षा बंदोबस्त निग्गर करने लेई कीते गोदे इंतजामें दा जायजा बी लैता। सीनियर अधिकारियें उनें'गी ताजा सुरक्षा हालात बारे जानकारी ते इलाके च निग्गर सुरक्षा ढांचा ते बवस्था बनाई रखने लेई कीते गोदे हीलें बारे बी तफसील पेश कीती। GoC होरें उत्थे तैनात सैनिकें दी निष्ठा- दलेरी ते पेशेवराना रोंऽ दी सराहना कीती- जेहड़े हर मौसम ते कठन हालात च बी दिन-रात 24 घंटे देश दियें सीमाएं दी राक्खी लेई डटे रौहन्दे न। GoC होरें सैनिकें दी निष्ठा ते समर्पण भाव दी सिफत कीती ते आखेआ जे इस संवेदनशील नियंत्रण रेखा पर इस्सै चाल्ली अपनी निगरानी ते सतर्कता बनाई रखन।

<><><><><><>

## MoS Doda Invite

प्रधानमंत्री हुंदे दफतरै च राज्यमंत्री ते कठुआ- उधमपुर- डोडा लोकसभा हलकें थमां सांसद ड्राक्टर जितेन्द्र सिंह होरें ताजा बर्फबारी दे बाद सैलानियें गी डोडा जिले दे भलेसा इलाके च औने दा साद्दा दिता ऐ कि जे ओ इत्थे आइयें खूबसूरत कुदरती नजारें दा नंद लैन। उनें आखेआ जे एह थाहर मनमोही लैने आहला सयालू इलाका ऐ- जित्थे बर्फू नै खटोइ दियां प्हाड़ियां कुसै दा बी मन परचाई लैने दी निग्गर थवीक रखदियां न। मंत्री होरें आखेआ जे उत्थे बर्फबारी- कुदरत दी गोदें च इक शानदार समा बिताने दी मौका दिंदी ऐ। उनें मेद प्रगट कीती

जे ऐसियेँ थाहरेँ औने कन्ने सैलानियेँ गी उ'नेँ थाहरेँ दी सैलसफा समर्थ बारे बी पता लगदा ऐ-  
जिन्दे बारे मते लोक नैई जान्दे- एहदे नै इलाके च सैलसफा बी बधोग ते आर्थिक गतिविधियेँ  
गी बी बढ़ावा थहोग।

<><><><><><>

Bhadradesha Utsav

जम्मू दे अभिनव थैटर च औंदी 21 मार्च गी पैहले-पैहले भद्रादेशा कल्चरल फोरम आसेया  
जम्मू-कश्मीर दी कला- संस्कृति ते भाशा अकैडमी दे सैहयोग कन्ने आयोजित कीते जा'रदे इस  
उत्सव दी शोभा, मुख्ख सचिव अटल डुल्लु होर बधाडन। इस उत्सव दे दरान पाड्डर, भद्रवाह,  
रामबन, बनी ते होरनेँ बी खितेँ दे रिवायती नाच, लोक गीतेँ ते वाद्य यंत्रेँ आली प्रस्तुतियेँ राहेँ  
समृद्ध नागा विरासत पर लोs पाई जाहग। इस दरान मकामी उत्पादेँ दा बी प्रदर्शन कीता  
जाहग। इस सरबंधेँ च आयोजित इक संवाददाता सम्मेलन गी सम्बोधित करदे होई चेयरमैन  
कुलवंत मन्हास होरेँ आखेआ.

<><><><><><>